

TE HUIHUIURAA API

I neia i te piha neneiraa na te Ekalesia a Iesu Mesia i te Fāia
Mo'a i te Mau Mahana Hopea Nei i Papeete, Tahiti.
i te mau fenua Sotaiete, i te mau avae atoa
Te hoo e piti farane i te matahiti hoê.

Nu. 5.

Me 1931.

Mat. 25.

Ua Ite Birikama Ione I To'na Aratai

O teie ia te maha o te hoê mau haapiiraa i faaineinehia e te
Epitetopo Rahi no te mau Diakono; Ua faaauhia ei reô Tahiti e Etua.

(Maa parau iti tuatapapa: Ua fanau Birikama Ione i te
hoê no Tiunu i te M. 1801, i Whitingham, Wyndham county
Veramona: ua faatoroahia oia ei aposetolo i te 14 no Febu-
are M. 1835 i Ketelani, Ohaio; e peretiteni oia no te tino ahu-
ru ma piti mai te avae Atopa 1838. e tae noa'tu i te 27 no
Ditema 1847, i reira oia i riro ai ei Peretiteni no te Ekalesia
e tae noa'tu i to'na poheraa i te 29 no Atete 1877.)

I te avae Setepa i te M. 1832, i fatata e piti matahiti na
muri aê i te faatiaraahia o te Ekalesia e na muri rii aê i
to'na fariiraa i te Evanelia, na haere Birikama Ione ratou o
to'na na taeae, o Iosepha Ione, e o Hebera Kimebera, na nia
i te pereoo puaahorofenua, mai Niu Ioka e tae noa'tu i Ket-
elani, Ohaio, ia farerei i te Peropheta, Iosepha Semita. E
rave rahi te mau hoa ta ratou i farerei i to ratou haereraa
mai te faaitoitō ia ratou i te pure. Ua parau Birikama

i roto i te reó êê. Ua na ô mai te hoé pae taata, no ô mai i te Fatu mau to'na ite, te tahi pae râ ua parau ratou e, no ô mai ia i te Diaboro ra.

Na muri rii aé i to ratou taeraa i Ketelani ua imi ratou i te peropheta. I to ratou taeraa i te fare o to'na metua, ua faaitehia ia ratou e, te tapu ra oia i te uru raau. Ua farerei ratou ia'na e to'na taeae, te tapu ra ratou, e tē taperecoo ra ratou i te mau raau. Ua oaoa rahi atura Birikama Ione i te aroha rima atu i te Peropheta a te Atua. Na te varua tohu i faaite pāpū ia'na e peropheta mau Iosepha. Ua oaoa ihora te Peropheta i to ratou farereiraa. Ua haere atura ratou i to'na fare ra.

I taua pô ihora ua haere te hoé mau taeae i reira e raparau i te Evanelia. Ua ani Iosepha ia Birikama ia pure. I roto i ta'na pure ua parau oia i reó êê. Ua tia aéa ratou mai te turi i nia, putuputu ihora te mau taeae ia Iosepha i te aniraa ia'na i to'na manaó i nia iho i teie reó êê i noaa ia Birikama Ione. Ua faaite atu te peropheta ia ratou o te reó ia o to tatou metua o Adamu. Ua manaó te hoé pae, e faahapa oia i te reó na Birikama, aita râ, ua parau atu râ oia e "no ô mai i te Atua te reira, e te vai ra te tai-me e faatere Birikama i te ohipa no teie nei Ekalesia."

Hoé â te varau i noaa ia Birikama ia ite oia e Peropheta Iosepha, e te varua tei faaite ia Petero, e ere lesn o Ioane Bapetizo, e aore râ, o Elia, te Tamaiti râ na te Atua. Hoé â ia i te varua tei aratai ia Phiripi raua o Nataniela ia ite raua i to Iesu tiaraa mau.

TO'NA PARURURAA I TE AUTAHU'ARAA.

No to Iosepha aau marû e to'na mana Peropheta, e manaó paha outou e, ua tauturuhia oia e te mau taeae atoa tei riro ei mau melo no te Ekalesia. Te parau nei te hoé mau taata, e Peropheta mau Iosepha Semita, e ua haere ê

atu
tei f
teie
tei f
i to

raa
vare
tou,
I te r

Ekale
hoé p
maiti
Ua ta
no to
e, E
pāpū
Perop
tei ta
pea e

E
ratou
ióa, u
parau
atu B
mata.
mau t
tau ta
Ekale

I
enemi

atu te mau Peropheta no teie mau mahana. E rave rahi tei farii i te Faaora, aita râ ratou i farii i Ta'na ohipa no teie nei anotau. E rave rahi te feia i te anotau no Iesu o tei farii i te mau Peropheta i mutaa ihora, o tei ore i farii i to ratou Fatu.

E rave rahi ta Iosepha tamataraa, e ua tae mai te rahi-raa o teie nei mau mea na roto mai i to'na mau taeae haavare, na roto i te varua o te diaporo i te ôraa i roto ia ratou, ua patoi ratou ia Iosepha e ua imi ratou i to'na ora. I te reira mau taima ua faaite Birikama i to'na huru tia mau.

I te hoé taima ua haaputuputu te tahi mau melo o te Ekalesia i roto i te amuiraa moé tei haapaohia i roto i te hoé piha no te hiero i Ketelani, ia imi ratou i te ravea ia maitihia Davita Vitima ei peretiteni no te Ekalesia. Ua tae Birikama i te reira amuiraa, e ia ite oia i te tumu no to ratou amuiraa, ua tia Birikama i nia e ua parau atura e, E Peropheta mau Iosepha Semita na te Atua, e ua ite pâpû roa oia i te reira, e aore ta ratou e ravea ia mou ai te Peropheta a te Atua, e faaore râ ratou i to ratou iho mana tei taati atu ia ratou i te Peropheta e i te Atua ra, e i te hopea e moé to ratou faaroo.

E rave rahi te taata tei riri roa no to'na patoiraa ia ratou. Te vai ra te hoé ruau i reira, O Iakopa Bump to'na ióa, ua rahi roa to'na riri aore e ravea ia mamû noa. Ua parau haamatai oia e, e tairi oia ia Birikama. Ua parau atu Birikama ia'na, mai te mea e marû oia i te reira, a tamata. Na te reira i faaore te amuiraa, no te riri rahi o te mau taata aore e ravea ia tahoé ia ratou. Ua tupu teie i te tau ta te mau taata e rave rahi i hinaaro i te faaore i te Ekalesia a te Atua.

I te tahi taima a faaroo ai Birikama i te opuaraa a te enemi ia haru ia Iosepha e ia taparahi ia'na, ua roaa ia

Birikama te pereoo puaahorofenua, e ua faahoro oia i rapae au i Ketelani ia farerei i te Peropheta te haere mairana nia i te tahi pereoo i tarahuhia. I to raua farereiraa ua faarue Iosepha i te pereoo i tarahuhia, e ua haere raua o Birikama i Ketelani mai te peapea ore.

Haapao I Te Maitai

“Eiaha e vare, e ore te Atua e noaa i te haavare, o ta te taata e ueue ra, o ta’na â ia e ooti mai. O te ueue i ta to’na ihora tino, o te pohe ta’na e noaa i te tino ra; e o te ueue i ta te varua ra, o te Ora Mure Ore ta’na e noaa i te varua ra.”

O teie ia te parau faaara ta Paulo i ao mai ia tatou nei. E te ite nei tatou i te hopea no taua parau ra, oia hoi, te huru no te mau taata iino e te mau taata maitatai.

A hió na i te mau taata iino. Ua roohia ratou i te mau huru maí, e aóre râ, te tapeahia nei te tahi pae i roto i te fare auri no te ture ta ratou i ofati i nia i te fenua nei. Te pee nei ratou i te diaporo, oia hoi te rave nei ratou i ta’na ohipa i roto i teie nei ao. Te rave nei ratou i to te tino hinaaro e no reira ua ravehia te hara. E i reira ua riro ratou ei tavana na te diaporo, e ia tae te mahana haavâraa e farii ratou i ta ratou utua mai te au i taua ohipa ra. Mai te mea e, e ofati te taata i ta te fenua ture e farii ratou i te utua i nia iho i te fenua nei, arêa râ ia ofatihia te ture e ratou ta te Atua i horôa mai na te taata, e farii ratou i te utua ia tae ratou i te mahana haavâraa.

E te mau taata o te rave nei i te ohipa ta te Atua i horôa mai na ratou, nafea ratou? Te farii nei ratou i te oaoa, e te popou, e te mau haamaitairaa, e te haere noa nei ratou i mua. Ia tae ratou i te mahana haavâraa e noaa’i ia ratou te Ora Mure Ore, e e rahi aé to ratou haamaitairaa i to te mau taata iino.

Papaihia e Manuela

Nahea E Parauhia'i Te Mau Mamoe E To Ratou Tiai Mamoe Maitai

Ua faaite mai Iesu i roto i te Ioane 10:11, "O vau te tiai mamoe maitai. E horoa te tiai mamoe maitai i to'na iho ora no te mamoe."

A hió noa tatou i te huru o te tupuraa o te mau sotaiete, e te mau haapaoraa êê e rave rahi i te ao nei. E ióa ê to te tahi. I te taime i tomo ai te hoé o tatou i roto i te tahi sotaiete, e aore râ i roto i te hoé haapaoraa, e rave ihora tatou i te ióa o taua haapaoraa ra i nia iho ia tatou. Ei reira tatou e itehia'i i te mau taata'toa i taua ióa ra.

E teie nei, te na ô mai nei te parau i roto te III Nephi 27:5; "Aita anei ratou i taió i te parau i papaihia ra, te na ô mai nei e, Ia rave outou i te ióa o te Mesia e tia'i, o to'u ia ióa? E i taua ióa nei outou e parauhia'i i te maha-na hopea ra.

Te na ô atoa mai nei te Fatu i roto i taua pene iho ra, i te irava 8. "Nahea ia te Ekalesia na'u, ia parauhia i to'u ióa? Ia parauhia hoi te Ekalesia i te ióa o Mose ua riro ei Ekalesia na Mose; e ia parauhia ia i te ióa no te taata, ua riro ia ei Ekalesia no taua taata ra i reira, ia parauhia râ ia i to'u ra ióa e ia patu-mau-hia i nia i ta'u ra Evanelia, e Ekalesia na'u ia i reira."

A mata na tatou i te imi i te Basileia o te Atua e te parau tia na'na; e amui-atoa-hia mai taua mau mea ra ia tatou. O te Ekalesia a te Mesia tei faatiabha i teie anotau na roto i te Peropheta ra o Iosepha Semita. O te Ekalesia anaé ia i haamairihia te ióa o Iesu Mesia i nia iho.

Te ióa anaé ia "Mesia" e parauhia te mau mamoe a te tiai mamoe maitai ra.

Papaihia e Coleman



T

T

Betty

Ua ne

ri aén

nehen

nei ha

hohoá

i maiti

E

piiraa

hapa t

Te

fau i t

outou

taoá a

Te

taata o

No

i te tac

mea ia

tou

hou te

i roaa

tou e,

nei Sa

e roaa

aea var

te huru

TE HOHOA I FAAITEHIA NEI

Teie mai te hoé hohoá o te tamaiti o Farani Fumera e Betty Rossiter, te tamahine o David Stewart i Papeete nei. Ua neneihia teie hohoá i te Oire Roto Miti i te matahiti i mai-ri aénei. Ua faatere te Ekalesia i te hoé haapiiraa hohoá nehenehe roa e ua tairuru mai to te mau nunaa atoa i teie nei haapiiraa hohoá ra. E vau hanere taata i roto i teie hohoá. Ua fanau Farani raua o Betty i Tahiti nei no reira i maitihia'i raua ei faaauraa no to Tahiti.

E ono hepetoma te maoro o te faaiteraahia o teie haapiiraa hohoá, e ua mataitaihia ia e etoru hanere tautani tia-hapa taata no te mau vahi atoa no te fenua ra i Amerika.

EIAHA E NOUNO I TE TAO'A

Te na ô mai nei te parau i papaihia i roto i te Buka Fa-fau i te pene 136 e i te irava 20. A imi outou na e tapea ta outou mau faaauraa i te tahi i te tahi, eiaha e nounou i te taoá a to taeae ra.

Te na ô maira Birikama Ione, na Satani e haahauti i te taata o te haamori i te taoá.

No reira, ua ite tatou e, e ere ia te mea maitai ia nonnou i te taoá a to taeae, e aore râ i te taoá a ta vetahi ê. No te mea ia nounou i te taoá e haamata Satani ia faahema ia tatou. E ia roaa mai te taoá naínaí i hinaarohia, e tupu faa-hou te hinaaro i te tahi taoá huru rahi aé i te taoá matamua i roaa mai e na reira noa e tae roa'tu i te taima e manaó tatou e, aita i nehenehe ia'u ia haere i te mau pureraa i teie nei Sabati no te mea ia haere au i reira ra aita e hoé faufaa e roaa mai i teie nei mahana, no reira e mea maitai aé ia fa-aea vau i teie mahana. Sapati e imi i te faufaa mai to taeae te huru.

Ua ite tatou e, ia nounou i te taoá e moé roa te pae varua ia tatou e te mau parau maitai a te Atua atoa hoi. E ia feruri maitai tatou, ua tae mai tatou i roto i teie nei ao ma te moni ore e te taoá ore, e ia reva atu tatou, eita e nehe-nehe ia afai atu i te mau mea tahuti nei i te raí ra. Area râ e afai tatou i ta tatou mau ohipa maitai i ravehia, e e riro taua mau mea ra e tautururaa na tatou. No reira, eiaha tatou e haamori i te mau mea no te ao nei, no te mea i te hopea, e riro ta tatou mau taoá rarahi e mea faufaa ore. E e faahapahia tatou i ta tatou mau taoá tahuti nei. Taió i te parau i papaihia i roto i te Timoteo I i te pene ono e i te irava ahuru. "O te nounou moni hoi te tumu o te mau ino atoa nei ua taa ê roa hoi te tahi pae i te parau nei i te titau-noaraa i te reira, e ua patiatia pûpû roa ia ratou iho i te oto e rave rahi."

Aita i nehenehe i te taata ia tavini e piti Fatu i te tai-me hoé, no te mea e tavini oia i te hoé e faarue i te tahi. No reira ia nounou tatou i te mau mea tahuti nei e moé roa te Atua ia tatou.

Papaihia e Teina

UA ITE HOI TE ATUA

I te hoé mahana ua haere te hoé metua tane i te faaapu umera a to'na taata tupu, e ua afai atu oia i te hoé pute e ta'na tamaiti iti. Ua parau atu oia i teie tamaiti iti, e tia i oia i te taata te haere mai. Ua hamata oia i te faa'i ta'na pute i te umera, e ua parau teie tamaiti iti, "E papa, te hió mai nei te taata ia taua." Ua parau atu ta'na metua tane, "O vai ra taata." Ua pahono maira teie tamaiti iti, "O te Atua te hió mai nei ia taua." Ua manii taua metua tane i ta'na pute umera, e ua rave oia i ta'na tamaiti e ua haere atura raua i te fare ra.

-Papaihia e Etua

TE HURU MAU O TE ATUA RA

E varua hoi te Atua. Oia mau taua parau ra, a haamanoá râ tatou e, e tino to taua varua ra. "A hamani ai te Atua i te taata ra, i hamani oia ia'na ma to te Atua ra huru." Genese 5:1. E varua atoa hoi te taata nei, ua ahuhia râ taua varua i te tino ra. Mai to tatou iho nei huru te huru mau e te hohoá mau hoi o te Atua. Ua na ô maira te Atua, te metua, i to'na tamaiti ia Iesu Mesia, "E hamani tatou i te taata ma to tatou iho huru, ia au i to tatou iho hohoá." Genese 1:29. O vai ra hoi e patoi i taua parau ra?

Ua ite tatou e, e reó to te Atua ra. Ua faaroo Adamu i te reira i roto i te ô Etene. A hió i te Genese 3:9, 10. Na te parau i roto i te Exodo 31:18 e haapâpû ia tatou e, e rima to te Atua ra. "E oti aéra ta'na parauraa ia Mose i nia i te mouá ra o Sinai, ua hopoi maira oia i na pãpã ture ra ia'na; e pãpã ofai i papaihia e te rima o te Atua ra."

E tua e e mata hoi to te Atua ra. Haamanoá i te parau a te Atua i roto i te Exodo 34:23 tei na ô maira e, "E iriti hoi au i to'u rima, e e ite mai oe i tau tua area tau mata, e ore roa ia e tia ia hió."

E upoo e e rouru hoi to'na, "E te rouru i to'na upoo ra mai te vavai ra ia i te teatea, e mai te hiona; e mai te ura auahi ra o'na mata." Apokarupo 1:14.

E taió tatou i te irava 8 i te Numera i te pene 12, e na te reira e haapâpû ia tatou e vaha to te Atua ra. "Te parau vaha noa nei au ia'na, mai te faaite hua, e ere ia i te parau poiri, ia ite pãpû oia i to Iehova huru."

E homa e, aita roa e hopea i te mau parau i papaihia tei haapâpû mai e, e huru to te Atua ra mai to tatou iho nei. E ere anei tatou i te mau tamarii na te Atua? E mea maere anei ia tupu te tamarii i to ratou metua ra huru?

Na vai ra i faahuru ê i taua mau manaó ra, na vai hoi

i parau mai e, e varua anaé te Atua e ua ere roa oia i te tino. Ua faahuru-ê-hia te mau haapiiraa e te mau oroa a te Atua ra i muri aé i te tau o te mau aposetoro e aita roa te taata i ite pâpû i te huru mau o te Atua ra. No reira ua parau mai ai Iisaia, "I parau mai hoiia Iehova e, no te mea te haafatata mai nei te reó o teie nei feia ia'u, e te faatura maira to ratou vaha ia'u, tei te atea ê râ to ratou aau ia'u nei, mataú faufaa ore to ratou ia'u nei, e mea haapii-noa-hia i te parau a te taata anaé ra."

Aita i nehenehe ia aroha e haamori i te hoé mea aore i pâpû maitai ia tatou. Te na reira noa ra te mau taata i te tau poiri.

I teie tau hopea nei ua ite-faahou-hia te huru mau o te Atua e Iosepha a fâ mai ai te Atua e to'na Tamaiti ia Iesu Mesia ia'na ra. E au To'na huru i tei papaihia ra. E tino hanahana râ To'na e te maitai hoi e ua haere oia i mua roa ia tatou nei. Noa'tu râ i te reira e taata mau oia e no reira a ara outou i te huru mau o te Atua ra.

Papaihia e Etuana

Te Mau Parau Api

E MAU MEA TAHITO ROA HOI

Ua itehia te hoé mau tapao i roto i na apoo e toru mai te menema te huru i te fenua ra i Utaha, tei faaite mai e, ua tupu te hoé ohipa riáriá e 2,000 matahiti aénei.

Ua ravehia te ohipa o te iritiraa i teie mau mea i raro aé i te faatereraa o Guatav O. Larson raua o Reil Gardner tei tarahu i na taata toopae e ta ratou mau puaahorofenua no te aroteraa e te heruraa i teie na apoo.

I roto i teie na apoo e toru, ua itehia te tahi tô marô e te hoé mau farii maa, mai te pani te huru e te faraoa ota i

roto.
noa
tae t
mai

Inid
ching
ihoh

mau
te ta
reira
repo

phing
te av
pô e
Mari
mara
huna
rite i
pahi
puhi-
te pa
i rav

fetia
tahi
ia'na
ta me

roto. E rave rahi atu teie mau farii maa i parari huáhuá na i reira, e te mau pueraa ivi taata, mai te huru e, ua tae te enemi i nia iho ia ratou i te taime i manaó-ore-hia mai te taparahiraa e te tutuiraa i te mau mea i te auahi.

I roto i te hoé vaihaa ua itehia te mau mauhaa na te Inidia, mai te mau iri puaa, e te mau nira, e te mau machine faahuáhuáaraa tô, e te hoé vairaa tô rahi roa, tei vai-ihohia e te enemi.

Ua ite-pâpû-hia te aua o taua oire tahito ra. Taua mau farii maa ra e mea hamanihia ia i te repo fenua, mai te tahi mau farii maa na tatou, e ua au atoa te hohoá o te reira i ta tatou. Ua vai maitai te reira mau mea i raro i te repo.

UA HARUHIA TE HOÉ PAHI TANATA

Ua itehia te ohipa huna o te hoé pahi Tanata, o Josephine K. to'na ióa. Te tamata ra oia i te afai huna mai i te ava i te fenua ra i Amerika. Ua tupu taua ohipa ra i te pô e te tere noa i fatata maira te hoé pahi tiaí no te hau Marite. Ua faatano taua pahi Marite i ta'na mori maramama i nia iho i taua pahi Tanata ra e ua itehia te ohipa huna ta'na i rave ra. No reira ua auau atura te pahi Marite i taua pahi Tanata ra e aita i maoro ua roohia taua pahi ra. I roto râ i te horo-ê-raa o te pahi Tanata ua pupuhi-pohe-roa-hia to ratou raatira rahi e te mau mataro o te pahi Marite. E 250,000 moni marite te faufaa o te ava i ravehia ra.

UA TAATAHIA TE TAHI MAU FETIA RA

Ua na ô maira Leon Campbell, e taata paari hoi haapii fetia oia; "Te manaó nei au te vai nei te taata i nia iho i te tahi mau fetia e rave rahi ra." Ua faaite mai oia ua pâpû ia'na te vai nei te tahi mau taata i nia iho i na fetia i fata-ta mai, o Venus e o Mars, to raua na ióa, no te mea ua ite

mata oia i te mau tapao na roto i te mau hió rarahi, tei haapâpû ia'na te vai nei te mea ora i reira. Ua faaite atoa mai oia te vai ra te matai, te maramarama, te pape e te tahi atu â mau mea tei faatupu i te ora ra.

48 HORA IA HAMANII TE "FORD"

I teie mau manana i roto i te mau fare raveraa ohipa no te pereoo uira i parauhia, "Ford", te tere oioi roa nei te ohipa. Mai te taima i afaihia mai ai te mau mea tumu, oia hoi te mau mea ota, mai te auri, te uaua, te tumu raau e te reira huru mau mea i roto i taua mau fare ra e tae no a'tu i te taima e faarirohia taua mau mea ra ei pereoo uira, e mairi atu e maha ahuru ma vau hora.

Ua haapurarahia te mau fare raveraa ohipa i nia iho i te mau fenua o teie nei ao, e e tae te taióraa o te mau taata rave ohipa i roto i taua mau vahira i te afa mirioni. Ua tupu taua totaete hamaniraa pereoo uira i te totaete hamaniraa pereoo uira rahi roa o teie nei ao.

I roto i te 30 matahiti matamua o to'na apíraa ua faaoti ia i te hamaniraa e 5,000,000 pereoo uira, e i na matahiti e toru i muri aéra ua hamanihia e 5,000,000 Ford faahou, e na reira atoa i na matahiti e toru i muri aé i te reira.

UA REVA'TU TE TAHI OROMETUA

Ua reva atu to tatou orometua o Coleman i to'na fenua aiá i Amerika. Ua reva oia na nia i te pahi auahi, Makura i te 28 no Eperela. E toru matahiti e te afa to'na faaearaa i teie paeau moana nei. E tupu mai hoi te oto ia haamanaó to'na mau hoa i Tubuái e i te tahi mau fenua Tuamotu ia'na ra.

Ua faateréhia te hoé pureraa e te tahi hautiraa no'na ra i te fare orometua i Papeete i te po i mua aé i to'na révaran, e e rave rahi tei haere mai e aroha ia'na ra.

M. Bonnet M. Gèrant et Imprimeur,

Angle des rues Bréa et Dumont d'Urville, Orovini, Papeete.

Ua

Epiteto

I

maihi

Boga

tufaa

aho u

Ekale

i te fa

atu i

I

1838,

heura

Apose

te Ev

Misou

ra, ua